

Siunnersuummut oqaaseqaatit

Oqaaseqaatit nalinginnaasut

1. Aallaqqaasiut

Siunnersuut una puulukit nersutaatillu neqaasa akitsuusigaajunnaavinnissaannik imaqarpoq.

Taassuma saniatigut siunnersuutip imarai malitseqartitsilluni allannguinerit, Nioqqutissanik eqqussuineq annissuinerlu pillugit Inatsisartut inatsisaata allanngortinneqarnissaannik siunnersuummi (UKA 2023/19) matuma ilutigisaannik saqqummiunneqartumi allannguutit kingunerisaat.

2. Siunnersuutip imarisai pingaarnerit

Inatsisartut 2022-mi ukiakkut ataatsimiinneranni (UKA2022/71) aalajangiunneqarpoq Naalakkersuisut neqinik eqqussuinermi akitsuutinik atorunnaarsitseqquneqarput, taamaattorli savat savaaqqallu neqaannik eqqussuinerup akitsuusersugaanera attatiinnarlugu.

Neqit akitsuutaat Nioqqutissanik eqqussuinermi akitsuutit pillugit Inatsisartut inatsisaat malillugu akilersinneqartartut, savat savaaqqallu neqaat ilanngunnagit, 2023-mi aningaasanut inatsimmut oqaasertaliussa qaqutigalugu (Kontu pingaarneq 24.11.10, Nioqqutissanik eqqussuinermi akitsuutit) 2023-mit atuutilersumik peerallarneqarput.

Siunnersuut tassunga naapertuuttumik saqqummiunneqarpoq, kingunerissavaalu puulukit nersutaatillu neqaasa kiisalu neqinit nioqqutissiat allat piariikkat aqerlortikkalluunniit akitsuusigaajunnaarnerat attatiinnarlugu akitsuutaat piivinneqassasut.

Taakku saniatigut siunnersuutip imarai Nioqqutissanik eqqussuineq annissuinerlu pillugit inatsit allannguutaasa kingunerisaannik inatsimmi § 8-mi allannguutit ataasiakkaat aamma inatsimmi § 9-p, nioqqutissat arsaarinnissutigineqartarnerannut tigummineqarallartarnerannullu il.il. tunngasup atorunnaarsinneqarnissaa.

3. Pisortanut aningaasatigut allaffissornikkullu sunniutissai

Puulukit nersutaatillu neqaasa akitsuutaannik atorunnaarsitsivinneq isertitassat 13,3 mio. kr.-nik ikilinnissaannik kinguneqassangatinneqarpoq. Isertitassat appariaataat taanna 2023-mi aningaasanut inatsimmi ilanngunneqareernikuvoq.

4. Inuussutissarsiutinik ingerlatsisunut aningaasatigut allaffissornikkullu sunniutissai

Siunnersuut inuussutissarsiutinik ingerlatsisunut sunniuteqartussaannigilaq, neqinimmi nioqqutissiat pineqartut akitsuutaat ulloq 1. januar 2023 aallarnerfigalugu atorunnaarsinneqarput.

5. Pinngortitamut, avatangiisinut inuillu peqqissusiannut kingunerisassai

Siunnersuut avatangiisinut pinngortitamulluunniit kinguneqartussaangilaq.

6. Innuttaasunut kingunerisassai

Siunnersuutip neqit akikinnerulernerit pissutigalugit innuttaasut aningaasaqarnerannut iluaqutaanissaa naatsorsuutigineqarpoq.

7. Kingunerisassai pingaarutillit allat

Siunnersuutip allanik kinguneqarnissaa naatsorsuutigineqanngilaq.

8. Oqartussaasunik aamma kattuffinnik il.il. tusarniaaneq

Siunnersuut 2023-mi piffissami 6. juni-imit 4. juli-mut makkununga tusarniaassutigineqarpoq: Kalaallit Nunaanni Sulisitsisut (GE), Sulinermik Inuussutissarsiuqartut Kattuffiat (SIK), Nunatsinni Advokatit, Royal Arctic Line A/S, KNI A/S, Naalackersuisut siulittaasuata Naalackersuisoqarfia, Nunanut allanut, Inuussutissarsiornermut Niuernermullu Naalackersuisoqarfik, Ineqarnermut Attaveqarnermullu Naalackersuisoqarfik, Nunalerinnermut, Imminut pilersornermut, Nukissiuuteqarnermut Avatangiisinullu Naalackersuisoqarfik, Aatsitassanut Inatsisinillu Atuutsitsinnermut Naalackersuisoqarfik, Isumaginninnermut, Suliffeqarnermut Nunamullu Namminermut Naalackersuisoqarfik, Aalisarnermut Piniarnermullu Naalackersuisoqarfik, Meeqqanut, Inuusuttunut Ilaqutariinnullu Naalackersuisoqarfik, Peqqinnissamut Naalackersuisoqarfik, Ilinniartitaanermut, Kultureqarnermut, Timersornermut Ilageeqarnermullu Naalackersuisoqarfik, Avannaata Kommunian, Kommune Kujalleq, Kommune Qeqertalik, Qeqqata Kommunian aamma Kommuneqarfik Sermersooq.

Siunnersuut aammattaaq internetikkut tusarniaavimmi piffissami qulaani taaneqartumi saqqumitinneqarpoq.

Tusarniaanermut akissutini tiguneqartuni pingaarnerit ataani ilanngussaaq 2-mi eqqartorneqarlutillu oqaaseqarfigineqarput.

Aalajangersakkanut ataasiakkaanut oqaaseqaatit

§ 1-imut

Nr. 1-imut nr. 2-mullu

Puulukit nersutaatillu neqaasa nioqqutissanik eqqussuinermi akitsuutaasa atorunnaarsinneqarnissaat siunnersuutaavoq. Tamanna tunngavigalugu § 1, imm. 1, nr. 17, litra a-mi maleruagassaq inatsimmi § 1, imm. 1, nr. 13, litra b-mut nuunneqarpoq, maleruagassallu § 1, imm. 1, nr. 14, nr. 15 aamma nr. 17 atorunnaarsinneqarput.

Nr. 3-mut

Inatsimmi § 3 a, imm. 3-mi aalajangersagaq 1998-imi ilanngunneqaqqaarpoq, imaralugulu Avatangiisinut Pinngortitamullu Pisortaqaarfimmut innersuussineq. Inatsimmi allaqqasunik allannguinerinnaavoq, tassa innersuussineq maanna atuuttoq taarserlugu, oqartussaasumut inuussutissalernermik nakkutilliinermi akisussaasuusumut innersuussininnorlugu. Suliassaq maanna Aalisarnermut Piniarnermullu Naalakkersuisoqarfiup ataani Uumasunut Nakorsaqaarfiup Inuussutissalerinermullu Oqartussaaffiup isumagisaraa.

Nr. 4-mut nr. 5-imullu

Pineqarput Nioqqutissanik eqqussuineq annissuinerlu pillugit Inatsisartut inatsisaata allannguutaasa, siunnersuummi matumunnga ilutigigitillugu saqqummiunneqartumi (UKA 2023/19) siunnersuutigineqartut malitseqartinnerisa kingunerisaanik aaqqiinerit ilanngussinerillu.

Inatsimmi § 9-p atorunnaarsillugu Nioqqutissanik eqqussuineq annissuinerlu pillugit Inatsisartut inatsisaannut nuunneqarnissaa siunnersuutaavoq. Siunertaavoq arsaarinnittarneq nioqqutissallu tigummineqarallartarnerat pillugit maleruagassat Nioqqutissanik eqqussuineq annissuinerlu pillugit Inatsisartut inatsisaanni ataatsimoortinneqarnissaat, tassuunakkut inatsisit taakku marluk atorneqarneranni paasinarnerusunngorlugit.

Taakku saniatigut arsaarinnissuteqartarneq pillugu maleruagassat inatsimmi § 8-miittut naleqqussarneqarput. Inatsimmi § 9, imm. 2-mut innersuussutit § 8, imm. 1-2-miittut aamma imm. 4-miittut peerneqarput. Inatsimmi § 8, imm. 6-imi aalajangersagaq nutaaq siunnersuutigineqarpoq, arsaarinnissutit Nunatta karsianut iluaqutissanngortinneqarnissaat erseqqissarneqarlu-
ni, tak. siusinnerusukkut § 9, imm. 3-ugaluartoq.

§ 2-mut

Inatsisartut inatsisaata ulloq 1. januar 2024-imi atortuulernissaa siunnersuutaavoq.

Siunnersuut inatsimmut atuuttumut sanilliullugu	
<i>Oqaasertaa atuuttoq</i>	<i>Siunnersuut</i>
	§ 1 Nioqqutissanik eqqussuinermi akitsuutit pillugit Inatsisartut inatsisaanni nr. 19, 30. oktober 1992-imeersumi, Inatsisartut inatsisaatigut nr. 12, 21. november 2022-mi kingullermik allanngortinneqartumi makku allannguutigitinneqarput:
§ 1, imm. 1, nr. 13 Nr. 13. Savaaqqat savallu neqaat taakkunanngalu nioqqutissiat. Nutaat, nillartaartitat, qerititat, tarajortikkat, taratsumi aatsitaniittut, panertut imaluunniit pujuukkat, nioqqutissat allattorsimaffianni 0204.10.00.0-imiit 0204.43.00.0 ilanngullugu allassimasut kiisalu nioqqutissat ukunani inissisimasut 0206.80.99.0, 0206.90.99.0 aamma 0210.90.11.0, 0210.90.19.0 aamma 0210.90.60.0 kg.-mut 25 kr. 00 øre.	1. § 1, imm. 1, nr. 13, ima oqaasertaqarpoq: ”Nr. 13. Savaaqqat savallu neqaat taakkunanngalu nioqqutissiat.. a) Nutaat, nillartaartitat, qerititat, tarajortikkat, taratsuni aatsitaniittut, panertut imaluunniit pujuukkat, nioqqutissat allattorsimaffianni 0204.10.00.0-imit 0204.43.00.0 ilanngullugu allassimasut kiisalu nioqqutissat allattorsimaffianni ukunani inissisimasut 0206.80.99.0-imi, 0206.90.99.0-imi aamma 0210.90.11.0-imi, 0210.90.19.0-imi aamma 0210.90.60.0-imi kg.-imut: 25 kr. 00 øre. b) Nioqqutissat allat, piariikkat imaluunniit aqerlortikkat, savaaqqat savallu neqaannit nioqqutissiat, nioqqutissat allattorsimaffianni 1602.10.00.0-imi, 1602.90.71.0.10-mi aamma 1602.90.79.0.10-mi allassimasut kg.-imut: 25 kr. 00 øre.”
§ 1, imm. 1, nr. 14, 15 aamma 17 Nr. 14. Nersussuit neqaat taakkunanngalu nioqqutissiat, a) nutaat nillartaartitalluunniit, nioqqutissat allattorsimaffianni kapitali 02.01-imiittut kg.-mut 10 kr. 00 øre.	2. § 1, imm. 1-imi nr. 14, 15 aamma 17 atorunnaarsinneqarput.

b) qerititat, nioqutissat allattorsimaffianni kapitali 02.02-miittut kiisalu nioqutissat allattorsimaffianni 0210.20.10.0-imi aamma 0210.20.90.0-imi allassimasut kg.-mut 6 kr. 75 øre.

Nr. 15.

Puulukit neqaat taakkunanngalu nioqutissiat,

a) nutaat, nillartaartitat qeritalluunniit, nioqutissat allattorsimaffianni kapitali 02.03-mi allassimasut kg.-mut 2 kr. 25 øre.

b) tarajortikkat, taratsumi aatsitaniittut, panertitat imaluunniit pujuukkat, nioqutissat allattorsimaffianni 0210.11.11.0-imiit 0210.19.90.0 ilanngullugu kiisalu 0210.90.31.0-imiit 0210.90.39.9 ilanngullugu allassimasut kg.-mut 3 kr. 25 øre.

Nr. 17.

Nioqutissat allat nr. 13-imiit 16-imut allassimasut, piariikkat imaluunniit aqerlortikkat,

a) savaaqqat savallu neqaannit nioqutissiat, nioqutissat allattorsimaffianni makkunani allassimasut 1602.10.00.0, 1602.90.71.0.10 aamma 1602.90.79.0.10 kg.-mut 25 kr. 00 øre.

b) nersussuit neqaannit nioqutissiat, nioqutissat allattorsimaffianni makkunani allassimasut 1602.10.00.0 kiisalu 1602.50.10.1-imiit 1602.50.90.9 ilanngullugu aamma 1602.90.61.0 kiisalu 1602.90.69.0. kg.-mut 4 kr. 00 øre.

c) puulukit neqaannit nioqutissiat, nioqutissat allattorsimaffianni makkunani allassimasut 1602.10.00.0 kiisalu 1602.41.10.1-imiit 1602.49.90.0 ilanngullugu aamma 1602.90.51.0 kg.-mut

<p>2 kr. 00 øre.</p> <p>d) pølsit suulluunniit, tamatumani ilaallutik tingummit aammillu pølsiliat, nioqutissat allattorsimaffianni kapitali 16.01-imi allassimasut kg.-mut 3 kr. 00 øre.</p> <p>e) tingummit nioqutissiat, nioqutissat allattorsimaffianni 1602.20.10.0-imi aamma 1602.20.90.0-imi allassimasut kg.-mut 2 kr. 50 øre.</p>	
<p>§ 3a.</p> <p><i>Imm. 3.</i> Imm. 1 aamma 2 naapertorlugit neqinik agguinissamut atortorissaarutit, inuussutissalerinermut inatsisit atuuttut naapertorlugit Avatangiisinut Pinnngortitamullu Pisortaqarfimmit akuerineqartussaapput.</p>	<p>3. § 3 a, imm. 3, ima oqaasertaqarpoq:</p> <p>”<i>Imm. 3.</i> Imm. 1 aamma 2 naapertorlugit neqinik agguinissamut atortorissaarutit inuussutissalerinermut inatsisit atuuttut naapertorlugit inuussutissanik nakkutillinermik oqartussaasumit akuerineqartussaapput.”</p>
<p>§ 8. Unioqquitsineq akitsuutip nalingata marloriaataanit annerusumik akiliisitsinermik kinguneqassangatinneqanngippat aammalu arsaarinnissuteqartoqassappat, tak. § 9, akileraaruseriffiup pineqartoq nalunaarfigisinnaavaa suliassaq eqqartuussinertaqanngitsumik naammassineqarsinnaasoq unioqquitsisoq unioqquitsisimalluni nassuerpat piareersimallunilu akiliisitsissutissat nalunaarutigineqartup, tak. § 4, piffissaatitaasullu qinnuteqarnikkut sivitsorneqarsinnaasup iluani akilernissaanut aammalu nioqutissat, tak. § 9, imm. 2, arsaarinnissutigineqarnissaannut akuersippat.</p> <p><i>Imm. 2.</i> Umiarsuarni timmisartuniluunniit nunanut allanut angalasartuni inuttaasunut, inunnullu Kalaallit Nunaanni najuqagavissuunngitsunut tunngatillugu akileraaruseriffik akiliisitsissutissanut akitsuutillu akilerneqarnissaannik aammalu arsaarinnissuteqartoqassanersoq, tak. § 9,</p>	<p>4. § 8 ima oqaasertaqarpoq:</p> <p>”§ 8. Unioqquitsineq akitsuutip akilinnitsoorneqartup marloriaataanit annerusumik akiliisitsinermik kinguneqassangatinneqanngippat aamma arsaarinnissuteqartoqassangatinneqanngippat, akileraaruseriffiup pineqartoq nalunaarfigisinnaavaa suliassaq eqqartuussinertaqanngitsumik naammassineqarsinnaasoq, unioqquitsisoq unioqquitsisimalluni nassuerpat akiliisitsissutissarlu nalunaarutigineqartoq, tak. § 4, piffissaliussaq erseqqinnerusumik taaneqartoq, qinnuteqarnikkut sivitsorneqarsinnaasoq qaangiutsinnagu akilerumallugu piareersimappat, aammalu nioqutissat arsaarinnissutigineqarnissaat piareersimaffigippagu.</p> <p><i>Imm. 2.</i> Umiarsuarni timmisartuniluunniit nunanut allanut angalasartuni inuttaasunut, inunnullu nunami maani najuqagavissuunngitsunut tunngatillugu akileraaruseriffiup pillaatitut akiliisitsissutissaq akitsuutillu akilerneqarnissaat kiisalu aamma</p>

<p>imm. 2, aalajangiigallarsinnaavoq. Aalajangiigallarfigineqartoq aalajangiinerup nalunaarutigineqarneraniit ullut 14-it qaangiutsinnagit eqqartuussisunut suliassanngortitsisinnaavoq.</p> <p>Aalajangiinermi eqqartuussivitsigut periarfissat piffissarititaasullu pineqartumut erseqqissaatigineqassapput. Suliassap eqqartuussisunut suliassanngortinneqarnera akileraaruseriffimmit isumagineqassaaq. Eqqartuussivimmu suliassanngortitsinermi akileraaruseriffiup aalajangiigai pineqartup malissavai eqqartuussivitsigut aalajangiisoqarsarlugu.</p> <p><i>Imm. 3.</i> Pineqaatissiissuteqarnissamut unnerluussuteqartarnermut aalajangersakkat Kalaallit Nunaannut eqqartuussisarnermik inatsimmi kapitali 38-miittut nalunaaruteqartarnermut imm. 1-imi taaneqartumut tunngatillugu atorneqarsinnaapput.</p> <p><i>Stk. 4.</i> Qanoq iliuseqartoqaqqissanngilaq:</p> <p>1) akiliisitsissutissat aalajangiigaq piffissaagallartillugu akilerneqarpat, imaluunniit aalajangerneqarnermi kingorna akiliisitsiniarnikkut akilersinneqarpat, aammalu</p> <p>2) nioqqtissat arsaarinnissutigineqarpata, tak. § 9, imm. 2.</p> <p><i>Imm. 5.</i> Akiliisitsissut Nunatta karsiata pisassaraa.</p>	<p>arsaarinnissuteqarnissaq pillugit aalajangiigallarsinnaavoq. Aalajangiiffigineqartup aalajangiineq pillugu nalunaarfigineqarnermi kingorna ullut 14-it qaangiutsinnagit piumasarisinnaavaa, aalajangiineq eqqartuussisunut suliassanngortinneqassasoq.</p> <p>Aalajangiineq eqqartuussisunut suliassanngortitsisinnaaneq, taamaaliornissamullu piffissarititaasoq pillugit paasissutissamik imaqassaaq. Suliassap eqqartuussisunut suliassanngortinneqarnera akileraaruseriffimmit isumagineqassaaq. Pineqartup suliassamik eqqartuussisunut suliassanngortitsinissamik piumasaqarnermigut, eqqartuussisunit aalajangiisoqarsarlugu, akileraaruseriffiup aalajangiineranik malinnittussaani avaqqussinnaanngilaa.</p> <p><i>Imm. 3.</i> Pineqaatissiissuteqarnissamut unnerluussuteqartarnermut aalajangersakkat eqqartuussisarnermi inatsimmi kap. 38-miittut, nalunaarummut imm. 1-imi taaneqartumut tunngatillugu atorneqarsinnaapput.</p> <p><i>Imm. 4.</i> Qanoq iliuseqartoqaqqissanngilaq:</p> <p>1) akiliisitsissut piffissaagallartillugu akilerneqarpat, aalajangerneqarnermiluunniit kingorna akiliisitsiniarnikkut akilersinneqarpat, aamma</p> <p>2) nioqqtissat arsaarinnissutigineqarpata.</p> <p><i>Imm. 5.</i> Akiliisitsissutit Nunatta Karsiata pisassarai.</p> <p><i>Imm. 6.</i> Arsaarinnissutit Nunatta Karsianut iluaqtissanngortinneqassapput.”</p>
<p>§ 9. Nioqqtissat anngiortumik eqqussinermi eqqusseriaraluarnermiluunniit nassatarineqartut akileraaruseriffimmit imaluunniit akileraaruseriffik sinnerlugu politiinit tiguneqarallartassapput.</p>	<p>5. § 9 atorunnaarsinneqarpoq.</p>

<p>Nioqqutissat anngiortumik eqqussat nioqqutissalluunniit allat akitsuutaat pisor-tanut akilinngitsoorneqartut akilinngitsoorneqariaraluartulluunniit, pisortanit taaneqartunit tigummineqarallartussanngussapput tigusarineqarlutilluunniit, eqqartuussisarnermi inatsimmi arsaarinnissutaasariaqartunut maleruagassat aalajangersarneqarsimasut tunngavigalugit.</p> <p><i>Imm. 2.</i> Nioqqutissat § 1, imm. 1, nr. 3-mi aammalu 7-imiit 10-mut taaneqartut, imaluunniit nioqqutissat peqanngippata taakku aningaasanngorlugit nalingat, tamatigut arsaarinnissutigineqartassapput.</p> <p><i>Imm. 3.</i> Imm. 2 naapertorlugu arsaarinnissutit Nunatta karsianut iluaqutissanngortinneqassapput.</p> <p><i>Imm. 4.</i> Akitsuutinut pillaatitullu akiliutissat, sullissinermilu aningaasartuutit akiligassat akilerneqareerpata, nioqqutissanik eqqussuinermi maleruagassat nalinginnaasut tunngavigalugit nioqqutissat tigummigallarneqareerpata, nioqqutissanik eqqussuinermi maleruagassat nalinginnaasut tunngavigalugit nioqqutissat tigummigallarneqartut arsaarinnissutaasulluunniit arsaagaasumut inummulluunniit allamut utertitsiffigineqartussamut utertinneqassapput. Tamannali nioqqutissanut § 1, imm. 1, nr. 3-mi aammalu 7-imiit 10-mut taaneqartunut atuutinngilaq. Suliap qaammammi inaarneqarfiata naaneraniit qaammatit marluk qaangiutsinnagit nioqqutissat aaneqanngippata akileraaruseriffimmit akitsorterussinikkut nalunaarutigineqareersimasukkut Kalaallit</p>	
------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------	--

<p>Nunaanni ileqqusut malillugit tuni- niarneqassapput. Nioqqutissat akileraaruseriffiup isumaa naapertorlugu atorsinnaangitsut naleqanngitsulluunniit piffissarititap qaangiunneratigut nakkutigineqaqqissaartumik suujun- naarsinneqassapput. Akitsorterussinikkut isertitanit pisortanut sullissinermi, tigummisaqarallarnermi tuniniaanermilu aningaasartuutit akilerneqassapput, taavalu eqqussinermi akitsuutinut pillaatitullu akiliisitsissutit taakkualu suliarineqarnerini aningaasartuutit akilerneqassallutik. Akitsorterussinermiit ukioq ataaseq qaangiutsinnagu piginnittoq saaffiginnip- pat, tunineqartunillu piginnittuunerminik uppersaasinnaappat tuniniaanermi sinneqartoorutaasimasinnaasut piginnittumut tunniunneqassapput.</p>	
	<p style="text-align: center;">§ 2</p> <p>Inatsisartut inatsisaat atortuulerpoq ulloq 1. januar 2024.</p>

Tusarniaanermut akissuteqaat

Tusarniaanerup qaangiunnerani Sulisitsisunit, Royal Arctic Line A/S-mit, Aalisarnermut Piniarnermullu Naalakkersuisoqarfimmit, Nunalerinermut, Imminut pilersornermut, Nukissiuutinut Avatangiisinullu Naalakkersuisoqarfimmit Kommune Kujallermillu tusarniaanermut akissutinik tigusaqartoqarpoq.

Tulliuttuni avataani tusarniaanermi akissutit tiguneqartut suliarineqarput. Tusarniaanermut oqaatigisanut akissutit *uingasumik* allanneqarnerat, tusarniaanermilu akissutit naapertuunnerannik naliliineq tunngavigalugu pingaarnersiugaanerat maluginiaqquneqarpoq.

Sulisitsisut, Aalisarnermut Piniarnermullu Naalakkersuisoqarfik, Royal Arctic Line A/S aamma Kommune Kujalleq siunnersuut pillugu oqaatigisassaqaqngillat.

Nunalerinermut, Imminut pilersornermut, Nukissiuuteqarnermut Avatangiisinullu Naalakkersuisoqarfiup neqinik eqqussukkanik akitsuuteqartitsinnginnerup tunisassiat Kalaallit Nunaanneersut unammillersinnaassusiannik akornusiinnginnissaasa qulakkeerneqarnissaa kaammattuutigaa. Siunnersuummi uani akitsuuteqanngitsitsinerup ataavartunngortinneqarnerani kingunerisassaasinnaasunut tunngatillugu, nassuiaatini tunngavissat ersarissarneqannginnerat Naalakkersuisoqarfiup maluginiarpaa. Akitsuuteqanngitsitsinerup Kalaallit Nunaanni piffinni neqinik tunisassiornermut kiisalu Kalaallit Nunaata tamarmiusumik CO2-mik aniatitsineranut kingunerisinnaasai kingunerisassalluunniit itisiliisumik nalilersoqqinneqarnissaat Naalakkersuisoqarfiup kaammattuutigaa. Taamatut nalileeqqinneq tunuliaqutaralugu ataavartumik akitsuutinik atorunnaarsitsineq suliniutinik pitsaanngitsunik kingunerisanut oqimaaqatigiissitsisoq ingerlateqqinneqassaaq.

Akitsuutit ulloq 1. januar 2023 atorunnaarsinneqarnerata kingorna, siunnersuutilluunniit uuma tusarniaassutigineqarnerani namminersorlutik inuussutissarsiortunit allanilluunniit toqqaannartumik kalluarneqartunit, neqit eqqunneqarneranni akitsuutip annertunngitsup atorunnaarsinneqarneranut atatillugu kalaallit neqinik tunisassiaannik tunisinermi pitsaanngitsunik kingunerisaqarsimaneranik isummanik saqqummiussisoqanngilaq. Taamaammat isumalluutit eqqarsaatigalugit erseqqinnerusumik misissuinissamik aallartitsinnginnissaq aalajangiunneqarpoq. Tassunga tapiliullugu kalaallit neqinik tunisassiaasa niuerfinni neqinik pisariaqartitanik manna tikillugu naammattumik matussusiisimanginnerat oqaatigineqassaaq. Tamanna tunuliaqutaralugu eqqussuinermi akitsuummik atorunnaarsitsineq eqqussuinerмик malunnaatilimmik annertuseriarnermik, taamaalillunilu CO2-mik aniatitsinerulernermik kinguneqarnissaa ilimanaateqanngilaq.